

ODLUKA

o povećanju osnovnog kapitala

Član 1.

Povećava se osnovni kapital "EUROHAUS INVEST" Društvo za upravljanje fondovima d.o.o. Sarajevo, za **200.000,00 KM** (slovima: dvijestotinehiljada i 00/100 KM).-----

Za uplatu navedenog iznosa za koji se vrši povećanje osnovnog kapitala primjenjuje se pravo preče kupnje postojećih udjeličara u Društva u odnosu na ostala lica (treća lica).-----

Uplatu iznosa iz stava 1. ovog člana za koji se vrši povećanje kapitala osnovnog kapitala članovi društva će uplatiti na račun Društva koji se vodi kod UniCredit Bank dd Mostar, u roku od 30 (trideset) dana od dana donošenja ove Odluke.-----

Član 2.

Osnovni kapital Društva nakon povećanja će iznositi **400.000,00 KM** (slovima: četiristotine i 00/100 KM).-----

Član 3.

Nakon provođenja zakonske procedure iz člana 355. Zakona o privrednim društvima FBiH, izvršiće se izmjene Statuta društva, kojim izmjenama će se precizirati vlasnička struktura i pojedinačni udjeli članova u Društvu, uslijed povećanja kapitala Društva, te podnijeti prijava za upisa navedenih promjena kod Registra društava Općinskog suda u Sarajevu.-----

Član 4.

Ova Odluka stupa na snagu danom donošenja, a primjenjivaće se od dana upisa nastalih promjena u registru društava Općinskog suda u Sarajevu.-----

Član 5.

Troškovi i takse povezane za izmjene (naročito notarske i sudske troškove) snosi Društvo.-----

Član 6.

Za realizaciju ove Odluke i podnošenje prijave za upis promjena u registru društava Općinskog suda u Sarajevu, odgovoran je Nadzorni odbor i direktor Društva.-----

Član 7.

Stranka je saglasna da je notar Miloš P. Jovović ovlašten, ukoliko je to potrebno za provođenje u Registru privrednih društava, da ovu Odluku mijenja i /ili dopunjava, s tim da ne mijenja bitne odredbe ove Odluke. Ova odredba posebno podrazumijeva saglasan pristanak stranke i ovlaštenje notaru Milošu P. Jovoviću da po svim primjedbama i zahtjevima ovlaštenog registra ili drugih organa ovu Odluku mijenja i dopunjava ili ispravlja pojedine odredbe koje suštinski ne mijenjaju pravnu prirodu ove Odluke, ali su nužne za potpunu realizaciju i provođenje ove notarski obrađene isprave.-----

Član 8.

Stranku je Notar upozorio na slijedeće:-----

- Da ova Odluka proizvodi pravne posljedice tek sa upisom u Registar društava Općinskog suda u Sarajevu,-----
- Da Osnivači ne odgovaraju za obaveze Društva, osim u slučajevima navedenim u članu 6. Zakona o privrednim društvima,-----

- Da članovi društva imaju pravo prvenstva uplate novih uloga, u srazmjeri svojih udjela u osnovnom kapitalu, u roku od 30 dana od dana donošenja ove Odluke o povećanju osnovnog kapitala. -----
- Da u slučaju da društvu pristupi treće lice, potpisuje izjavu da prihvata sve obaveze i prava utvrđene osnivačkim aktom društva i statutom.-----
- Da je ovu Odluku potrebno dostaviti Komisiji za vrijednosne papire FBiH;-----
- Da je registru društva Općinskog suda u Sarajevu za provođenje ove Odluke, potrebno dostaviti Uvjerenje o činjenicama iz službene evidencije o izmirenim novčanim kaznama i troškovima prekršajnog postupka za Društvo i lica ovlaštena za zastupanje, te Porezna uvjerenja nadležne porezne uprave za Osnivače koji su pristupili Društvu;-----
- Da je ovo notarski obrađena isprava, koja u smislu čl. 4. Zakona o notarima (Sl. novine F BiH 45/02) ima punu dokaznu snagu javne isprave o izjavama datim pred notarima, sa svim pravnim posljedicama koje su tim Zakonom utvrđeni za takvu vrstu obrađenih isprava.-----

Član 9.

Ovom izvorniku su priloženi prilozi koji su stranci bili na uvidu, a stranka je izjavila da poznaje njihov sadržaj i da odustaje od obaveze čitanja.-----

Od ove notarski obrađene isprave dobijaju:-----

- Jedan otpravak Komisija za vrijednosne papire FBiH;-----
- Jedan otpravak za Društvo,-----
- Jedan otpravak za Registar društava Općinskog suda u Sarajevu. -----

Izvornik ove Odluke je stranci pročitao u cijelosti, Notar se neposrednim pitanjima uvjerio da sadržaj izvornika odgovara pravoj volji stranke, nakon čega je stranka izjavila da je u njemu sadržana njena prava volja i da je u znak odobravanja svojeručno potpisuje.-----

Predsjedavajući Skupštine Društva:

Dizdar Edin
